

ՍՈՎԵՏԱՆԱՅ ԿՈՒՆՏՐԱՅԻ ԱՌԱՋԻՆ ՕՋԱԽՆԵՐԸ

Վ. Հ. ՂԱԶԱՆՋՅԱՆ

Հայաստանում սովետական կարգերի հաստատումից հետո հիմնավորապես փոխվեցին հայ ժողովրդի բաղադրական, տնտեսական և կուլտուրական գոյապայմանները: Բազմադարյան հայ էությունը իր բոլոր օղակներով մտավ որակապես մի նոր դարաշրջան: Ժողովրդական տնտեսության վերականգնման տարիներին Հայաստանի Կոմունիստական պարտիան և կառավարությունը հսկայական աշխատանք կատարեցին կուլտուրական շինարարության ասպարեզում: Ինչպես սոցիալիստական շինարարության բոլոր օղակներում, այնպես էլ նոր կուլտուրայի ստեղծման, ամրապնդման ու հետագա զարգացման գործում անգնահատելի դեր է խաղում Սովետական Ռուսաստանում ծավալված տնտեսական ու կուլտուրական շինարարության հարուստ փորձը: Նոր կուլտուրայի հիմքերը դնելու նպատակով ձևոնարկվեցին մի շարք արմատական միջոցառումներ՝ կուլտուրական արժեքների ազգայնացում, դպրոցի անջատում եկեղեցուց, անգրագիտության վերացման վերաբերյալ դեկրետի ընդունում, ժողովրդական կրթության սիստեմի կազմակերպում, աշխատավորների, առաջին հերթին բանվորների երեսանների համար կրթություն ստանալու համապատասխան պայմանների ստեղծում, բարձրագույն կրթության սկզբնավորում և այլն: Վերականգնվեցին ու հիմնվեցին կուլտուրայի բազմաթիվ նոր օջախներ: Ստեղծվեցին և հաջողությամբ գործում էին առաջին ուսումնագիտական հաստատությունները՝ Երևանի Պետական համալսարանը, Պետական կոնսերվատորիան, Մանկավարժական ինստիտուտը, Գիտության և արվեստի ինստիտուտը, բազմաթիվ հանրակրթական դպրոցներ, բանֆակներ (Երևանում և Լենինականում), սովետական-պարտիական դպրոցներ (Երևանում, Լենինականում, Ղարաբաղիսայում), Գեղարվեստական-արդյունաբերական տեխնիկումը, Պետական կենտրոնական գեղարվեստական դպրոցը, արտագրոցական զանազան հիմնարկներ և այլ տիպի ուսումնական հաստատություններ:

Այդ տարիներին են սկսում ձևավորվել սովետահայ գրականությունը և արվեստը իրենց կազմակերպություններով, ընկերություններով, միավորումներով, խմբակներով և օրյակտներով: Երևանի «Հայ գեղարվեստական աշխատողների միությունը», «Մուրճը», «Հայաստանի պրոլետարական գրողների ասոցիացիան», «Պետլուսկինոն», «Հայ կերպարվեստագետների ընկերությունը» և այլն: Թատերական-երաժշտական կուլտուրայի բնագավառի օջախներից հիմնադրվում են՝ Պետական թատրոնը, Երաժշտական ստուդիան, Ամո հարազյանի «Ազատ կուլկտիվ» թատերախումբը, «Նոյեմբերի 29-ի թատրոնը»՝ Վաղարշապատում, ռեսպուբլիկայի զանազան վայրերում կազմակերպված թատերական ինքնագործունեության տասնյակ խմբակներ, Լենինականի պարարվեստի և երաժշտական ստուդիաները, «Հայկական օպերայի բարեկամների ընկերությունը» և այլն: Բացվում են պետական, ռեզյուցիայի, մանկավարժական, գավառական, գյուղատնտեսական, բնապատմական, նկարիչների և այլ թանգարաններ: Հիմնադրվում են Հանրային գրադարանը, Մատենադարանը, Հնությունների պահպանության կոմիտեն, Գեղարվեստի աշխատավորների միությունը, Լուսաշխի տունը և սովետահայ կուլտուրայի այլ օջախներ:

Մի հոգվածի սահմաններում հնարավոր չէ սպառել սովետահայ կուլտուրայի այդ շրջանի հարուստ պատմությունը: Մենք համառոտակի կխոսենք 1920—1925 թթ. Սովետական Հայաստանում կուլտուրայի մի քանի անդրանիկ օջախների ստեղծման մասին:

* * *

1920 թ. դեկտեմբերին կազմակերպվում է Երևանի Պետական համալսարանը: Հաստատվում են համալսարանի անձնակազմը և հաստիքները՝ 20 պրոֆեսոր, 30 դասատու, լեզուների 7 դասախոս, 1 գրադարանապետ, 10 տեխնիկական և գրասենյակային պաշտոնյա: Համալսարանի ղեկավար է ընտրվում խոշորագույն պատմաբան և հայագետ Վ. Մանանդյանը: Ժամանակավոր

կանոնադրության համաձայն համալսարանի գլխավոր օրգան էր համարվում խորհուրդը. որի մեջ մտնում էին ֆակուլտետների ղեկավարները, 3 ներկայացուցիչ դասախոսական կազմից և մեկական ներկայացուցիչ՝ պարտիայից, Լուսժողկոմատից, պրոֆսոցիությունից և մյուս հասարակական կազմակերպություններից:

Նորաստեղծ համալսարանի առջև կանգնած խնդիրներից ամենակարևորը նոր, սովետական մասնագետներ պատրաստելն էր: Ուսուցիչների, գյուղատնտեսների, բժիշկների, տեխնիկների և մյուս մասնագետների կադրեր պատրաստելու վիթխարի գործի պատկառելի մասն իր վրա էր վերցնում սովետահայ կուլտուրայի այդ նորաստեղծ օջախը: Ծրագրվում էր համալսարանում պարապմունքները տանել լաբորատորական և սեմինարական մեթոդներով և ըստ կարելիության քիչ ժամեր հատկացնել դասախոսություններին:

Համալսարանում գրադարան կազմակերպելու նպատակով նրան են հանձնվում մի շարք հիմնարկություններում եղած գրադարանները (Արտարին գործերի և նախկին պալամենտի հանրային կրթության կոմիսարիատների, մեմական դպրոցի, էջմիածնի ճեմարանի և այլն): 1924 թ. սկզբին համալսարանի գրադարանն արդեն ուներ 34000, իսկ 1925—26 թթ.՝ 50 հազար կտոր գիրք:

Հատկապես 1922—23 ուսումնական տարվանից համալսարանի վարչությունը, Հայաստանի կոմպարտիայի և կառավարության օգնությամբ, Լուսժողկոմատի անմիջական ղեկավարությամբ, սկսում է կազմակերպել քիմիայի, ֆիզիկայի, մեխանիկայի, լեռնային գործի և այլ լաբորատորիաներ:

Հ(Կ)Պ Կենտկոմը 1922 թ. հոկտեմբերի 10-ին որոշում է ուսանողական ու պրոֆեսորադասախոսական կազմն ուժեղացնել կոմունիստներով և կարգավորել թոշակների հարցը: ՀՍՍՌ Ժողկոմխորհը 1923 թ. օգոստոսի վերջերին 25000 ռուբլի է տրամադրում համալսարանի կարի-նետների և լաբորատորիաների համար:

Հետզհետե բարելավվում է նաև ուսանողության սոցիալական կազմը: Եթե առաջին ուսումնական տարում 225 ուսանողների մեջ բանվորներ և գյուղացիներ չկային, ապա արդեն 1922—1923 թթ. ուսանողների ընդհանուր թվից 221 հոգի բանվորական և գյուղացիական ծագում ունեին: Հ(Կ)Պ Կենտկոմը 1924 թ. հունվարի 8-ի որոշմամբ հաստատում է համալսարան ընդունվողների պլանը՝ 200 հոգի, և պարտավորեցնում Լուսժողկոմատին ու ղեկավարատին առաջին հերթին ընդունել աշխատավոր երիտասարդությունը:

1923 թ. հոկտեմբերի 20-ին ՀՍՍՌ Ժողկոմխորհի որոշմամբ Երևանի ժողովրդական համալսարանը վերակոչվում է Հայկական ՍՍՌ Պետական համալսարան, որից հետո ավելի ճշտվեցին նրա խնդիրները, պատրաստվող կադրերի պրոֆիլը և կոնտինգենտի սոցիալական կազմը:

Ռեսպուբլիկայի գիտական մտքի հիմնական կենտրոնը համալսարանն էր, որտեղ նշանակալից աշխատանքներ էին տարվում հայագիտության, դասագրքերի, բառարանների, գիտական ձեռնարկների ստեղծման ուղղությամբ, ֆիզիկայի, մաթեմատիկայի և գիտության մյուս բնագավառներում: Հրապարակվում են Վ. Արծրունու «Հայ-ռուս-լատիներեն բժշկական բառարանը», Մ. Արեղյանի «Ռազմական տերմինների բառարանը», Հ. Աճառյանի «Արմատական բառարանը» և այլ աշխատություններ: Ստեղծվում են Հ. Նավակատիկյանի «Բարձրագույն հանրահաշիվ» և «Անալիտիկ երկրաչափություն», Ա. Հակոբյանի «Ֆիզիկա» և «Թեորիական մեխանիկա» ձեռնարկները և այլ գործեր: Համալսարանի շատ դասախոսների գիտական աշխատությունները կարևոր պրակտիկ նշանակություն ունեին Ռեսպուբլիկայի վերականգնվող ժողովրդական տնտեսության համար:

Համալսարանում իրենց գիտական և մանկավարժական աշխատանքներն են սկսում անվանի գիտնականներ՝ Հ. Մանանդյանը, Մ. Արեղյանը, Հ. Աճառյանը, Ա. Տերտերյանը, Գր. Ղափանցյանը, Թ. Թորամանյանը, Աշ. Հովհաննիսյանը, Հ. Աղատյանը, Աշխարհեկ-Քալանթարը, Հ. Գյուլիքիսյանը, Լևոն (Առաքել Բաբախանյան), Պ. Քալանթարյանը, Հ. Զեքուտարյանը (Անժուր), Տ. Մուշեղյանը, Ա. Շավարժյանը, Բ. Ավգալբեգյանը, Հ. Նավակատիկյանը, Գ. Գրձելյանը, Վ. Արծրունին, Ա. Հակոբյանը, Գ. Էդիլյանը, Գ. Արեղյանը, Վ. Ռշտունին և ուրիշներ:

Համալսարանում գործում էին լենինիզմի խմբակներ, սիստեմատիկ աշխատանք էր ծավալել «Կորչի»՝ անգրագիտությունը կամավոր ընկերությունը, որը համաքաղաքային մասշտաբի աշխատանքներ էր կատարում և խնդիր էր դրել գործել Ռեսպուբլիկական մասշտաբով: Կային նաև գրական, ագրոբիոլոգիական, քիմիական և այլ խմբակներ: Պարտիական և կոմերիտական բջիջները շեֆական աշխատանք էին տանում գյուղերում: Համալսարանի կոլեկտիվից գյուղերն

էին ուղարկվել 20-ից ավելի մարդ, որոնք զանազան զբոյցներ էին անցկացնում բժշկության, գյուղատնտեսության, միջազգային դրութեան, սովետական շինարարութեան և այլ հարցերի շուրջը:

1925 թ. համալսարանը տալիս է իր առաջին շրջանավարտները: Ժողովրդական տնտեսութեան վերականգնման տարիներին Երևանի համալսարանում սովորում էին ՍՍՌՄ եղբայրական ռեսպուբլիկաների և արտասահմանյան մի շարք երկրների ուսանողները: 1925—1926 ուսումնական տարում սովորում էին 287 հոգի՝ Վրաստանից, 51՝ Ադրբեյջանից, 8՝ Թուրքիայից, 5՝ Հունաստանից, 3՝ Պարսկաստանից և այլն:

Սովետական Ռուսաստանը մեծ օգնություն է ցույց տալիս Հայաստանին՝ ազգային ինտելիգենցիայի կադրեր պատրաստելու գործում: Այսպէս՝ 1923—1924 ուսումնական տարում Երևանի համալսարանի մի շարք գիտական աշխատողներ գործուղվում են Մոսկվա և Լենինգրադ իրենց որակավորումը բարձրացնելու համար: Միութենական կառավարությունը այդ նպատակների համար նշանակալի միջոցներ է հատկացնում: ՌՍՖՍՌ-ի Աշխատանքի և Պաշտպանութեան հոգնորդը 1924 թ. փետրվարի 11-ի որոշմամբ Սովետական Հայաստանի Լուսժողովատին մեծ գումար է բաց թողնում ուսումնական պիտույքներ ձեռք բերելու համար: Հայաստանի շատ երիտասարդներ ուղարկվում են ՌՍՖՍՌ-ի և Ուկրաինայի բուհերը, տեխնիկումները՝ սովորելու և ձեռք բերելու այն մասնագիտությունները, որոնք տեղում սուսնալ հնարավոր չէր: 1924 թ. այցելելով Հայաստան և ծանոթանալով Երևանի համալսարանին, Ա. Վ. Լունաչարսկին հանդում է այն եզրակացութեան, որ հարկավոր է ամեն կերպ օգնել, որպէսզի բարձրագույն կրթութեան այդ ջահը, որը պետք է դառնա կուլտուրական ձգողական կենտրոն հայերեն լեզվով բոլոր սովորողների համար, չմարի, առ բոցավառվի²:

Անդրանիկ բարձրագույն դպրոցի հիմնադրումը հնարավորութեան ստեղծեց, որպէսզի հայ մտավորականութեանը կարողանա աշխատել իր ժողովրդի կուլտուրական շինարարութեան ասպարեզում, իսկ երիտասարդութեանը կարողացաւ մայրենի լեզվով բարձրագույն կրթութեան ստանալ:

Հայկական ՍՍՌ Լուսժողովատի 1921 թ. հունվարի 6-ի հրամանով Հայաստանի սահմաններում գտնվող գեղարվեստական և հնագիտական հուշարձաններն ու իրերը պահպանելու, ուսումնասիրելու և ժողովրդական լայն մասսաների կրթական պահանջներին ծառայելու համար Լուսժողովատին կից հիմնվում է Հնութեանների և գեղարվեստի հուշարձանների պահպանման հանձնաժողով³: Հանձնաժողովը և ժողովրդական լուսավորութեան գաղափարական բաժինները կատարելու էին գեղարվեստական և հնագիտական արժեք ունեցող բոլոր հուշարձանների և առարկաների ինչպէս ամբողջական հավաքածուների, այնպէս էլ առանձին նմուշների ցուցակադրում: Հաշվի էին առնվելու րնկերութեանների, հիմնարկութեանների և մասնավոր անձանց մոտ գտնվող բոլոր հնագիտական և գեղարվեստական արժեքավոր հավաքածուները և առանձին առարկաները:

Հաշվառված գեղարվեստական և հնագիտական հուշարձանները և առանձին առարկաները չէին կարող մի սեփականութեանից անցնել մյուսին, տեղափոխվել ու վերանորոգվել կամ ուղղորդվել ու կերպարանափոխվել՝ առանց Հնութեանների և գեղարվեստի հուշարձանների պահպանման հանձնաժողովի կամ ժողովրդական լուսավորութեան գաղափարային բաժինների գիտութեան:

Հուշարձանների հավաքածուները և առանձին առարկաները կարող էին գրավվել կամ տրվել վերահիշյալ հիմնարկութեանների իրավասութեան ներքո, եթէ նրանց պահպանմանը վտանգ սպառնար տերերի անփութ վերաբերմունքի պատճառով կամ եթէ տերերը հնարավորութեան շունչնային ձեռք առնելու պահպանման կտրուկ միջոցներ: Բոլոր հիմնարկները հնագիտական և գեղարվեստական հուշարձաններ և առանձին առարկաներ բռնագրավելու դեպքում նախօրոք պետք է հայտնեին և ստանային համապատասխան թույլտվութեան Երևանում՝ Հնութեանների և գեղարվեստի հուշարձանների պահպանման հանձնաժողովից, իսկ գաղառներում՝ ժողովրդական լուսավորութեան տեղական բաժիններից:

² Մարքսիզմ-լենինիզմի ինստիտուտի Կենտրոնական պարտիական արխիվ (Մոսկվա), ֆ. 142, ց. 1, գ. 44, թ. 17—20:

³ Համալսարանի այդ տարիներին պատմութեան մասին ավելի մանրամասն տե՛ս Հ. Հովհաննիսյան, ՀՍՍՀ Պետական համալսարանը, Երևան, 1926 և Լ. Ղարիբջանյան, Էջեր Երևանի Պետական համալսարանի պատմութեանից (1921—1930 թթ.), «Տեղեկագիր», հաս. գիտ., № 1, 1960:

⁴ «Կոմունիստ» 1921, № 27:

Գեղարվեստական և հնագիտական հուշարձանների հավաքածուների և առանձին առարկաների տերերը (մասնավոր անձինք, միությունները և հիմնարկությունները) պարտավոր էին լուսժողկոմատի հրամանը հայտարարելու օրից մի ամսից ոչ ուշ ժամանակամիջոցում ներկայացնել ընդհանուր տեղեկություններ և ցուցակներ իրենց մոտ գտնված գեղարվեստական և հնագիտական հուշարձանների հավաքածուների և առանձին առարկաների մասին: Որոշումը ղկատարողները ենթարկվում էին խիստ պատասխանատվության: Հրամանը չէր տարածվում այն գեղարվեստական գործերի վրա, որոնք գտնվում էին դրանց հեղինակների մոտ:

Այդ գործն ավելի առաջ տանելու նպատակով Հայկական ՍՍԽ Ժողկոմխորհի 1923 թ. դեկտեմբերի 18-ի դեկրետով կազմվում է Հայաստանի հնությունների պահպանության կոմիտե: Կոմիտեն իր գործունեությունն սկսում է ծավալել հաջորդ տարվա ապրիլից: Լուսժողկոմի 1923 թ. դեկտեմբերի 30-ի հրամանով Կոմիտեի նախագահ է նշանակվում հուլակավոր ճարտարապետ Ալ. Թամանյանը⁵, անդամներ՝ Թ. Թորամանյանը, Սեն. Տեր-Հակոբյանը, Աշխարեկ Լոռու Մելիք-Քալանթարը (գիտական քարտուղար), Մ. Սարյանը:

Քանի որ կոմիտեին էր վերապահված ուսպուրիկայում սփռված նյութական կուլտուրայի րազմահազար մնացորդների իրական և տեխնիկական պահպանության և նրանց սխտեմատիկ ուսումնասիրության գործը, ուստի նա առաջին հերթին անց է կացնում ուսպուրիկայի սահմաններում գտնվող բոլոր հնությունների ցուցակագրությունը: Կոմիտեն պործում էր նախօրոք մշակված պլանով, աշխատելով մի կողմից՝ րավարար հիմքերի վրա դնել հուշարձանների իրական պահպանությունը (հատուկ պահակներով) և միաժամանակ ապահովել, նրանց տեխնիկական վերահսկողությունը՝ վերականգնումներով, մյուս կողմից՝ կազմակերպել այդ հուշարձանների սխտեմատիկ ուսումնասիրության գործը:

Կոմիտեն կազմակերպում է գիտական արշավախմբեր դեպի էջմիածին, Արագած, Ապարան, Լենինական, Լոռի-Փամբակ և Դիլիջան: Հնությունների պահպանության կոմիտեն մասսայականացնում էր Ժողկոմխորհի դեկրետը և Կոմիտեի կանոնադրությունը, ինչպես նաև տեղերում պրոպագանդա էր մղում իր անդամների միջոցով՝ Լքսպեդիցիաների և ամեն տեսակի այցելությունների ժամանակ: Բացի այդ, Կոմիտեն ստեղծել էր զավառական ներկայացուցիչների մի ամբողջ ցանց՝ մասնակից անելով այդ գործին լուսավորության և ընդհանրապես կուլտուրայի ասպարեզում աշխատողներին և բոլոր նրանց, ովքեր ամենայն ուշադրությամբ հսկում էին իրենց շրջաններում եղած հնությունների պահպանության վրա և կենդանի կապ պահպանում Կոմիտեի հետ: Կոմիտեն ուներ նաև թղթակից-աշխատակիցներ, շրջաններին լավ իրազեկ մարդիկ, որոնք պարբերաբար հայտնում էին իրենց ունեցած կամ հավաքած տեղեկությունները հնությունների, նրանց տեղի, վիճակի մասին և գրի էին առնում այն ավանդությունները, որ պահել էր ժողովուրդը հուշարձանների վերաբերյալ:

Հայկական ՍՍԽ Ժողկոմխորհի 1921 թ. մայիսի 11-ի որոշմամբ հիմնադրվում է Հայաստանի Պետական հանրային գրադարանը: Դրադարանի րացումը տեղի ունեցավ 1922 թ. նոյեմբերի 7-ին՝ Հոկտեմբերյան սոցիալիստական Մեծ ոևոլյուցիայի 5-րդ տարեդարձի օրը:

Բացման պահին գրադարանում կար 18000 կտոր գրականություն, 80 տեղանոց երեք րնթերցասրահ և ընդամենը 7 աշխատակից:

Դրադարանի գրքային ֆոնդը կազմվում է տարրեր հիմնարկների մեծ ու փոքր գրադարաններից և անհատների հատկացումներից ու նվիրատվություններից: Դրանց մեջ նշանավոր են Մոսկվայի նախկին Հազարյան ճեմարանի գրադարանը (30000 հատոր), Խ. Արովյանի անվան դպրոցի գրադարանը (18000 հ.), Արդուիյան-Արկայնարազուկի (8000 հ.), Ալ. Մյասնիկյանի (7000 միավոր), Վ. Ղորղանյանի (6000 հ.) և այլոց անձնական գրադարանները: Հանրային գրադարանին են հանձնվում նաև Թիֆլիսի նախկին Ներսիսյան դպրոցի, ռվովկասի հայոց րաբեգործական ընկերության», «Մշակի» խմբագրության, Բիֆլիսի ժողովարանի, ռվովկասի հայոց հրատարակչական ընկերության» գրադարանների մնացորդները և այլն:

5 Տասր տարուց ավելի, մինչև իր կյանքի վերջը, գտնվելով կոմիտեի նախագահի պաշտոնում, Ալ. Թամանյանը խոշոր աշխատանք տարավ հայ ժողովրդի ճարտարապետական ժառանգությունն ուսումնասիրելու, հուշարձանները ավերումից փրկելու և դրանք վերականգնելու ուղղությամբ: Նրա նախաձեռնությամբ հաճախ կոմիտեում լսվում էին բովանդակալից զեկուցումներ (Ալ. Թամանյանի մասին հետաքրքրական տեղեկություններ կան Լ. Ղորյանի կազմած «Ալեքսանդր Թամանյան» գրքում, որտեղ մեծատաղանդ ճարտարապետի ժամանակակիցներ Ալ. Շլուսելը, Ստ. Ջորյանը, Գր. Շիրմազանը, Մ. Գրիգորյանը, Հ. Խալփախչյանը իրենց հուշերում անդրադառնում են նաև Թամանյանի ընդմեջավոր գործունեության այդ ընագավառին):

Գրադարանը մի կողմից հավարում և պահպանում էր գոյություն ունեցող գրականությունը, իսկ մյուս կողմից՝ սպասարկում ընթերցողներին։ Աշխատանքը սարկում էր 3 ուղղությամբ՝ կազմակերպական, տեխնիկական և գրադարանային։ Սակայն շենքի հարմարությունները չէին բավարարում, ընթերցասրահները կարողանում էին սպասարկել քիչ թվով մարդկանց։ Պահարանների բացակայության պատճառով տասնյակ հազարավոր թանկարժեք գրքեր և կարևոր հրատարակություններ մնում էին հատակի վրա։

Գրադարանի շենքում կարող էր տեղավորվել ևզած գրքերի միայն կեսը, մնացած կեսի համար անհրաժեշտ էր ավելացնել սենյակների թիվը։ Գրքերի քանակը մոտ 45 հազար էր, որից՝ 12000 հատոր արդեն բաժանված էին բաժանմունքներին, ցուցակագրված ու գույքագրված։ Հաճախորդների ընդհանուր թիվը հասնում էր 110-ի։

Հանրային գրադարանն իր ստեղծման առաջին իսկ օրերից ղտնվում էր պարտիական և պետական մարմինների ուղղորդության կենտրոնում։ 1923 թ. օգոստոսի 1-ին ՀԿՊ Կենտկոմի նախագահությունը լսելով Հայկական ՍՍՌ լուսժողկոմ Ա. Մոսկվյանի հաղորդումը, որոշում է Անդրերկրում միջոցով հարց հարուցել ՌԿՊ Կենտկոմի առջև Հայաստանի Պետական հանրային գրադարանը Միութենական Կենտրոնական գրապալատի արոններտի մեջ ընդունելու վերաբերյալ։ Միջնորդությունը ուղարկվում է ՌԿՊ Կենտկոմ, պատճենները՝ Անդրերկրում, Միութենական ԿԳԿ՝ Ենուքիձեին, ՌՍՖՍՌ լուսժողկոմ Ա. Վ. Լունաչարսկուն, Մոսկվայում Հայկական ՍՍՌ լիազորներկայացուցիչ՝ Ս. Տեր-Գարրիելյանին, Ռուսական կենտրոնական գրապալատ։ Այդ փաստաթղթում նշվում էր, որ Հանրային գրադարանը, հանդիսանալով Հայաստանում ամենամեծ գրապահոցը, բացի ռեսպուբլիկայում տարվող կուլտուրական ծավալուն աշխատանքից, միաժամանակ սպասարկում է Երևանի համալսարանը, Բանֆակը, Մանկավարժական ինստիտուտը, Հրամանատարական կուրսերը, Մանկավարժական թանգարանը և Պարտիական դպրոցը։

ՀԿՊ Կենտկոմը խնդրում էր Սովետական Հայաստանի հանրային գրադարանին ուղարկել ՌՍՖՍՌ-ի տերիտորիայում լույս տեսած և լույս տեսնող տպագրական հրատարակություններից մեկական օրինակ⁶։

Ի պատասխան այդ գրուՄյան, Ռուսական կենտրոնական գրապալատի վարիչի տեղակալ Ա. Բորովսկին ՌՍՖՍՌ Լուսժողկոմատի կոլեգիայի քարտուղարությանը ուղղված 1923 թ. նոյեմբերի 10-ի գրությամբ հայանում է, որ գրապալատը բանակցություններ է վարել Գլավլիտի և Պետական հրատարակչության հետ՝ Երևանի հանրային գրադարանի խնդրանքը բավարարելու ուղղությամբ։ Գլավլիտը և Պետհրատը համաձայնվել են գրադարանին հատկացնել մեկական օրինակ հրատարակվող գրքերից, ինչպես նաև արդեն լույս տեսած գիտական, ուսումնական, սոցիալ-տնտեսական բնույթի գրականություն⁷։

Այսպիսով, 1924 թ. Հանրային գրադարանը սկսում է Մոսկվայից ստանալ ՌՍՖՍՌ-ում լույս տեսած գրքերից պարտադիր օրինակներ. դրա շնորհիվ գրադարանի գրական ֆոնդը պարբերաբար աճում է։ Միայն 1925 թ. ընթացքում Հանրային գրադարանը Ռուսաստանի, Բելոռուսիայի, Ադրբեջանի և Վրաստանի գրապալատներից ստանում է մոտ 10000 կտոր գիրք։ Հայաստանի հրատարակչություններից գրադարանը ստանում էր երեքական պարտադիր օրինակ։ Նույն թվականին նորաստեղծ գրադարանն արդեն ուներ 200000 գիրք, հանդես-թերթ և այլ տիպի գրականություն⁸։

Հանրային գրադարանը օգնություն էր կազմակերպում նաև զանազան հաստատություններին՝ ուսումնարաններին, խրճիթ-ընթերցարաններին, քաղաքային գրադարաններին։

1925 թ. մարտին, Կոմունիստական պարտիայի և Սովետական կառավարության ականավոր գործիչ Ալ. Մյասնիկյանի ողբերգական մահվանից հետո, Հայկական ՍՍՌ Կենտգործկոմի և Ժողկոմխորհի միացյալ սգո նիստը որոշում է Պետական հանրային գրադարանը կոչել Ալ. Ֆ. Մյասնիկյանի անունով։

Հանրային գրադարանը հսկայական դեր էր խաղում Սովետական Հայաստանի կուլտուրական կյանքում, հանդիսանալով հայ գրքի հավաքման համաշխարհային կարևորագույն կենտրոններից մեկը, հետագայում նա լայն ճանաչում գտավ թե՛ մեր Հայրենիքում, և թե՛ նրա սահմաններից դուրս։

6 Հոկտեմբերյան ռեվոլյուցիայի և սոցիալիստական շինարարության կենտրոնական պետական արխիվ (Մոսկվա), ֆ. 3316, ց. 16, գ. 1000, թ. 1—2։

7 Նույն տեղում, ֆ. 2306, ց. 1, գ. 1953, թ. 15։

8 «Խորհրդային Հայաստան 1920—1925 թթ.», ժողովածու, Երևան, 1926, էջ 314։

Հայաստանում սովետական իշխանության հաստատման պահին, ինչպես ժողովրդական տնտեսության բոլոր բնագավառները, այնպես էլ հրատարակչական գործը ծայր աստիճան քայքայված վիճակի մեջ էր: Դաշնակցությունից ժառանգություն էր մնացել ընդամենը մի երկու մեքենա և աննշան քանակությամբ հնամաշ տառեր, տպարաններում աշխատում էին ընդամենը մի երկու տասնյակ բանվոր: Հայկական ՍՍՌ ժողովրդականության և Լուսժողովրդականության 1921 թ. հունիսի 6-ի դեկրետով Լուսժողովրդատիկ կից կազմակերպվում է Պետական հրատարակչություն, որի մեջ ձուլվում են բոլոր ժողովրդական կոմիսարիատների և մասնավոր անձանց հրատարակչական ձեռնարկությունները: Ռեսպուբլիկայի ժողովրդական կոմիսարների և սովետական հաստատությունների հրատարակչական ձեռնարկությունները, եթե կապ ունենին հասարակական-քաղաքական կամ կուլտուրական խնդիրների հետ՝ ենթարկվում էին Պետական հրատարակչությանը: Բոլոր գրական, գիտական և այլ ընկերությունների հրատարակչական գործունեությունը ևս ենթարկվում էր Պետական հրատարակչության ընդհանուր վերահսկողությանը և ղեկավարությանը:

1923 թ. Պետհրատը ղեկավարում էր կենտրոնական խմբագրական կոլեգիան, որի նախագահն ու անդամները նշանակվում էին Ժողովրդական կոմիտեի լուսժողովի առաջարկով: Կենտրոնական խմբագրական կոլեգիայի նախագահը հրատարակչության գործերի մասին պարբերաբար զեկուցում էր Լուսժողովրդական կոլեգիային: Կենտրոնական խմբագրական կոլեգիան մշակում և հաստատում էր բոլոր հրատարակչական ծրագրերներն ու նախահաշիվները, իր պատասխանատվությամբ կազմակերպում տեխնիկական ապարատը, ստեղծում տպագրված գրքերը բաշխելու համար կենտրոնական դրաբաշխական բաժին (Центрораспредел.), Պետհրատին կից, որպես նրա ինֆորմացիոն բաժին, գործում էր հեռագրական գործակալությունը (Арменпост), որը ենթարկվում էր խմբագրական կոլեգիայի ընդհանուր ղեկավարությանը և վերահսկողությանը:

Խմբագրական կոլեգիան հրավիրում էր պարբերական խորհրդակցություններ, որոնց մասնակցում էին խմբագրական, հրատարակչական, բաշխման և ինֆորմացիոն բաժինների, ժողովրդական կոմիսարիատների և այն բոլոր հաստատությունների ներկայացուցիչները, որոնք կապ ունեին հրատարակչական գործի հետ:

Պետհրատի կենտրոնական հրատարակչական բաժինը իրագործում էր խմբագրական կոլեգիայի առաջադրած բոլոր տեխնիկական-հրատարակչական աշխատանքները, հետևելով դրանց նպատակահարմար բաշխմանը տպարանների միջև և հանձնարարությունների կատարմանը:

Այսպիսով, կյանքի կոչվեց մի մարմին, որը հայ իրականության մեջ առաջին անգամ էր դառնում պետական ձեռնարկություն: Եթե սովետականացումը Հայաստանում եղել ևս պատահական և շատ սահմանափակ քանակով հրատարակություններ, Դաշնակցության տիրապետության անփառունակ շրջանում, երկու և կես տարվա ընթացքում Հայաստանում լույս էր տեսել ընդամենը 4—5 գրքույկ¹⁰, իսկ Սովետական իշխանության առաջին երկու տարում արդեն հրատարակվել էր 98 գիրք-բրոշյուր: Ըստ որում, կարևոր է նշել, որ Պետհրատի հրատարակած գրականությունը նվիրված էր երկրի ժողովրդական տնտեսության վերականգնման, հարևան ազգությունների աշխատավոր մասսաների եղբայրական կապերի, բանվոր դասակարգի և աշխատավոր զյուղացիության դաշինքի ամրապնդման և այլ կենսական հարցերի:

Պետհրատի ասպարեզ գալով հրապարակից վերանում էին հասարակական և մասնավոր հրատարակչական ընկերությունները, որոնք անկարող էին երկար կյանք ունենալ, նախ՝ գրքերի անբավարար տարածման, ապա՝ նյութական միջոցների սղության պատճառով: Նոր կյանքի կոչված սովետական այդ օրգանը պետք է սահմանված ծրագրով աշխատավոր մասսաներին, երիտասարդ սերնդին դաստիարակել մարքս-լենինյան առողջ ոգով, հրատարակել նրանց քաղաքական, գիտական, գեղարվեստական նոր պահանջները բավարարող գրականություն:

Պետհրատի գոյության երկրորդ տարում արդեն զգացվում էր գոյություն ունեցող տպարանները լայնացնելու, ավելի կատարելագործված մեքենաներով վերասարքավորելու անհրաժեշտությունը: Հայաստանի Գոմունիստական պարտիայի և Կառավարության ձևոր առած միջոցառումների շնորհիվ 1925 թ. Պետհրատի տպարանների թիվը հասնում է 4-ի, որոնցում գործում է 12 մեքենա, այդ թվում «Ռեկորդ» տիպի 3 մեքենա, որ ստացվել էր Դերմանիայից¹¹:

Հետզհետե Հայաստանի տարրեր վայրերում Պետհրատը բացում է գրախանութներ, ծրագրվում է գրախանութներ բացել նաև Սովետական Հայաստանից դուրս բնակած հայաշատ վայ-

9 «Նոր ուղի», ամսագիր, 1930, № 8—9, էջ 76—80:

10 «Խորհրդային Հայաստան 1920—1925 թթ.», էջ 320:

11 Նույն տեղում, էջ 321:

րևում, ուր հայերեն գրականության կարիք էր զգացվում: 1923 թ. երկրորդ կեսից Պետհրատը հատուկ ուշադրություն է դարձնում դասագրքերի հրատարակման վրա: Լույս են տեսնում մայրենի լեզվի դասագրքերը բոլոր հասակների համար, հրատարակվում են նաև բնագիտության, երաժրշտության և այլ առարկաների դասագրքեր: Պետհրատը կարճ ժամանակամիջոցում կարողանում է վերացնել դասագրքերի պակասը:

1924 թ. հոկտեմբերին կայացած ուսպուրիկաների լուսժողովումների խորհրդակցությունը իրավունք է տալիս Սովետական Հայաստանի Լուսժողովմատին մոնոպոլ կերպով հայերեն դասագրքեր հրատարակելու Սովետական Միության հայ բնակչության համար: Այսպիսով, Պետհրատը սկսում է ուսումնական ձեռնարկներով բավարարել ոչ միայն Հայաստանի, այլև Վրաստանի, Աբխազիայի հայկական դպրոցների կարիքները¹²: Ծրագրվում է նաև դասագրքեր մատակարարել Հյուսիսային Կովկասի և Սովետական Միության այլ վայրերի հայ բնակչությանը:

Պետհրատը մեծ ուշադրություն էր դարձնում քաղաքական գրականության հրատարակությանը, որի մեջ հատուկ տեղ էր գրավում լենինյան սերիան: 1922 թ. լույս է տեսնում Վ. Ի. Լենինի «Պարենհարկի մասին», 1924 թ.՝ «Երիտասարդության մասին» ճառերի և հոդվածների ժողովածուն, «Պետություն և ուղղություն» գիրքը: Այնուհետև հրատարակվում են Վ. Ի. Լենինի «Ռենեզանս Կուլցիկին», «Իմպերիալիզմը որպես կապիտալիզմի բարձրագույն ստadium», «Ազգային հարցը», «1905 թիվը» և «1905 թվի ուղղություն», «Պրոլետարական պայքարի նպատակը մեր ուղղությամբ», «Սոցիալիստական ուղղության և լուսավորությունը», «Կոմունիստական ինտերնացիոնալը», «Հոկտեմբերյան ուղղություն», «Նոր տնտեսական քաղաքականությունը», «Զինաստանի մասին», «Զախության մանկական հիվանդությունը կոմունիզմի մեջ» աշխատությունները: 1921—1925 թթ. հրատարակվել են նաև Կ. Մարքսի «Վարձու աշխատանք և կապիտալ», Կ. Մարքսի և Ֆ. Էնգելսի «Կոմունիստական պարտիայի Մանիֆեստը», Կ. Մարքսի և Ֆ. Էնգելսի երկերի երկհատորյակը¹³:

Նորաստեղծ պետական հրատարակչությունն սկսում է տպագրել նաև գեղարվեստական գրականություն: 1921—1926 թթ. տպագրվում են Վ. Տերյանի երկերի լիակատար ժողովածուն՝ չորս հատորով, Ստ. Զորյանի «Պատերազմը», Նար-Դոսի «Մեր թաղը» ժողովածուները, Արագու «Պատմվածքները», Ե. Չարենցի «Երկիր նախիրին»: Ծրագրվում է հրատարակել Բաֆֆու, Շիրվանզադեի, Մուրացանի և մյուս հայ գրողների ընտիր գործերը:

Ընդհանուր առմամբ Պետհրատը 1921 թ. հուլիսից մինչև 1926 թ. մարտը ծավալել էր մեծ աշխատանք, որը չափվում էր 356 անուն գրքով, 2461 և կես մամուլով:

Պետհրատը 1926 թ. արդեն կարող էր տալ տարեկան 2000 մամուլ գիրք, մոտ 400000 օրինակով, գրախանութների թիվը հասցրել էր 14-ի¹⁴: Հատկապես հաջող էր կատարվել դասագրքերի և քաղաքական գրականությունից՝ Լենինի աշխատությունների հրատարակությունները: Համեմատաբար թույլ էր մասսայական հանրամատչելի գիտական գրականության հրատարակությունը, որի պահանջները շատ մեծ էին թե՛ քաղաքում և թե՛ գյուղում:

1921 թ. օգոստոսի 20-ին հիմնվում է Հայաստանի Պետական թանգարանը, որի առաջին դիրեկտորն էր սովետական խոշոր կերպարվեստագետ Մ. Սարյանը: Թանգարանի նպատակն էր հավաքել պատմա-կուլտուրական նշանակություն ունեցող իրերը և հիշատակները, դրանք ուսումնասիրել, պահել և ցուցադրել:

Թանգարանի կորիզը կազմեցին Թիֆլիսի Հայոց ազգագրական ընկերության իրերը, բացի դրանից հետագայում նորաբաց թանգարանին են կցվում Նոր Նախիջևանի (Դոնի-Ռոստով) հայկական շրջանային թանգարանը և նախկին Հաղարյան ձեմարանի թանգարանային արժեքները: Լենինգրադի և Մոսկվայի թանգարանները նորաստեղծ Հայկական թանգարանին են նվիրում նկարներ և այլ թանկարժեք իրեր:

1924 թ. սկզբներին թանգարանն ավարտում է իր կազմակերպական շրջանը և բարեկարգ կուլտուրական օջախի տեսք ընդունում: Թանգարանում հավաքված արժեքները հարուստ նյութ են տալիս հայ արվեստի, գրականության պատմության և ընդհանրապես կուլտուրայի ուսումնասիրության համար:

Թանգարանը բաղկացած էր ուղղությունների, գեղարվեստական, ազգագրական (տնայնագործական, զենքերի, դրամագիտական ենթարաժիններով), հնագիտական, պատմագրական (ձեռագրերի և հին տպագրած գրքերի ենթարաժիններով) և գրադարանային բաժիններից: Նախատես-

12 «Զարյա Վոստոկա», 29 նոյեմբերի, 1923:

13 «Խորհրդային Հայաստան 1920—1925 թթ.», էջ 322:

14 Նույն տեղում:

վում էր թանգարանի գրադարանից առանձնացնել և կազմակերպել մամուլի հատուկ բաժին, որտեղ պետք է կենտրոնանային մինչ այդ լույս տեսած բոլոր հայ պարբերականները:

Թանգարանի ուղղությունն բաժնում գտնվում էին ուղղություն շարժմանը, սոցիալիզմի թեորիային և պրակտիկային, բանվորա-գյուղացիական շարժմանը նվիրված գրքեր (ոուսերեն լեզվով՝ 700, հայերեն՝ 350), արխիվներ՝ 101, պարբերական հրատարակություններ՝ 222 հատոր, նկարներ, լուսանկարներ և այլ նյութեր՝ 500 թղթապանակ¹⁵: Ազգագրական բաժինն ուներ 572 անուն զանազան իրեր (ձեռագործ, զգեստներ, մանեկեններ և այլն): Հնագիտական բաժնում կային Հայաստանում պեղված 860 անուն հնություններ, որոնք պատկանում էին քարե, բրոնզե և երկաթե դարերին:

Դրամագիտական բաժնում գտնվում էին Սասանյանների, Արշակունիների, Կիլիկյան, Անիի, բյուզանդական, հռոմեական, արաբական, ռուսական, վրացական և այլ դրամների կոլեկցիաներ: Զենքերի բաժնում պահվում էին Հայաստանի տերիտորիայում գործածված տաք և սառը զենքերի տեսակներ: Պատմագրական բաժինը պարունակում էր 1793 անուն զանազան նամակներ, փաստաթղթեր, լուսանկարչական քարտեր, նկարներ, գրքեր, տետրեր և այլ նյութեր:

Գեղարվեստական բաժնում կային հայ, եվրոպական, ռուս նկարիչների և քանդակագործների տարբեր բնույթի 1183 գործեր: Թանգարանի գրադարանը բաղկացած էր 3433 անուն գրքից¹⁶:

Տարեցտարի աճում էր թանգարանի հավաքածուների թիվը: Եթե ստեղծման տարում այն 3062 էր, ապա 1925 թ. հասնում է 13973-ի: Նույն թվականին թանգարանն ուներ 5 բաժին՝ հնագիտական, ազգագրական, պատմական-գրական, հեղափոխական, գեղարվեստական: Թանգարանի բացման սկզբին այցելուների թիվը ամսական հասնում էր 15000-ի, իսկ 1925 թ.՝ 20000—25000-ի¹⁷:

*
*
*

ՌՍՖՍՌ Ժողովրդավարական հատուկ ղեկը, ըստ որի 16 տարին լրացած ամեն մի երիտասարդ ցանկացած համալսարանը մտնելու իրավունք ուներ, և համալսարանը պարտավոր էր այդպիսիներին ընդունելու: Սակայն շուտով պարզվեց, որ գործարանի և բուհի միջև պետք է հիմնել մի կրթավայր, որի բովով անցնելուց հետո բանվորը ոչ միայն իրավապես, այլև փաստորեն կդառնար ուսանող: Այդպես ծնվեց համալսարաններին կից, մյուս ֆակուլտետներին հավասար իրավունքով օգտվող բանվորական ֆակուլտետ հիմնելու գաղափարը:

1919 թ. տարերայնորեն ստեղծված բանֆակները օրինականություն ստացան: Ուսումնական ծրագրով բանֆակները նույն միջնակարգ դպրոցներն էին, միայն 3 տարվա դասընթացներով, ուր լայնացված էր մաթեմատիկայի և բնագիտության առարկաների ծրագիրը:

Ժողովրդական տնտեսության վերականգնման առաջին տարիներին Ռուսաստանում, Քաբվում և Թիֆլիսում բանվորական ֆակուլտետներն արդեն գոյություն ունեին և ընդգրկել էին բանվորության մեծ մասը: Մոսկվայում արդեն 20000 բանվոր էր հաճախում բանֆակները¹⁸: ՌՍՖՍՌ-ում 1922 թ. սեպտեմբերի 11-ին մեծ շուքով տոնվեց բանֆակների 3-րդ տարեդարձը:

Այս գործը Սովետական Հայաստանում սկսվում է ավելի ուշ՝ 1923 թ.: Փետրվարին բացվում է Երևանի բանֆակը, իսկ սեպտեմբերին՝ Ալեքսանդրապոլին: Բանֆակ կարող էին ընդունվել այն բանվորները, որոնք վարժ գրում և կարդում էին հայերեն և գիտեին թվաբանական 4 գործողությունները: Ընդունվելու համար յուրաքանչյուր բանվոր պարտավոր էր ներկայացնել արհմիության խորհրդի համապատասխան վկայական: Կոմունիստները, բացի արհմիութենական վկայականներից, պետք է ունենային նաև զավառական կոմիտեներից տրված հանձնարարական ՀԿՊ Կենտկոմի վավերացմամբ:

Բանֆակի վարչության մեջ մտնում էին համալսարանի ոեկտորը, երկու ներկայացուցիչ՝ արհմիություններից, մեկ ներկայացուցիչ՝ պարտիայի Կենտկոմից, մեկ՝ դասախոսներից և երկու՝ ուսանողությունից: Բանֆակի առաջին ղեկանն էր Հ. Ազատյանը, օգնականները՝ Թ. Ավդալբեկյանը և Հ. Գասպարյանը¹⁹: Նրանք կազմում էին ֆակուլտետի փոքր խորհուրդը:

¹⁵ Հայկական ՍՍՌ Կենտրոնական պետական արխիվ, ֆ. 122, ց. 1, գ. 405, թ. 17:

¹⁶ Նույն տեղում:

¹⁷ «Խորհրդային Հայաստան 1920—1925», էջ 316:

¹⁸ ՄԼԻ-ի Հայկական ֆիլիալի պարտադիր, ֆ. 1, գ. 283, թ. 28:

¹⁹ «Խորհրդային Հայաստան», 1924, № 1:

Երևանի Մելիք Մելիքյանի անվան բանֆակր ուներ հասարակագիտական և տեխնիկական թերում, իսկ Լենինականի Հ. Հակոբյանի անվան բանֆակր՝ միայն տեխնիկական թերում։ Երևանի բանֆակին կից կար նաև ադրբեջանական խմբակ։ Երևանի բանֆակում 1925—1926 ուսումնական տարում սովորում էր 370, իսկ Լենինականի բանֆակում՝ 365 հոգի²⁰։ Բանֆակների առաջին շրջանավարտները ապացուցեցին, որ լրիվ ի վիճակի են կատարելու իրենց վրա դրված պարտականությունը և արժանի ավանդ մուծեցին տնտեսության վերականգնման, ինչպես նաև կուլտուրական շինարարության ասպարեզում։ Դա ցույց էր տալիս այդ զուտ բանվորական կուլտուր-կրթական օջախի կենսունակությունը։

Հայաստանի պետական կենտրոնական դիվանը (արխիվը) ստեղծվում է 1924 թ. մայիսի սկզբներին։ Նրա նպատակն էր ի մի հավաքել արխիվային քուրոր նյութերը, պահպանել ու կարգավորել դրանք որպես աճյալի ուսումնասիրության նյութեր։ Հայաստանի կենտգործկոմի որոշմամբ ուսպուրլիկայի բոլոր հիմնարկությունների արխիվները վերացվում են և նրանց մեջ եղած փաստաթղթերն ու գործերը կազմում են միասնական պետական արխիվի ֆոնդ, որը իր նյութերի բովանդակության համեմատ բաժանված էր հետևյալ մասերի՝ քաղաքական, տնտեսագիտական, իրավաբանական, պատմական-կուլտուրական և ռազմական։ Ժողկոմատները շարունակում էին ունենալ իրենց ընթացիկ արխիվները, որտեղ նյութերը պահվում էին 5 տարի։ Այդ ժամկետը լրանալուց հետո դրանք հանձնվում էին Պետական կենտրոնական արխիվին։

Հայաստանի տերիտորիայում եղած նախկին կառավարություններից մնացած արխիվները սոսկալի տուժել էին, մասամբ ոչնչացվել։ Բացի այդ, արխիվային թանկարժեք գործերի ու փաստաթղթերի մի մասը առաջին համաշխարհային պատերազմի ժամանակ տարվել էր Հյուսիսային Կովկաս։

Պետական կենտրոնական արխիվը սկսում է հավաքել հայ ժողովրդի պատմությանը վերաբերող բոլոր արխիվային նյութերը։

Սովետական Հայաստանի կառավարությունը դիմում է Միութենական կառավարությանը, խնդրելով, որ Մոսկվայի և Լենինգրադի կենտրոնական արխիվներում պահվող Հայաստանի պատմության վերաբերյալ նյութերն ուղարկվեն Սովետական Հայաստան²¹։ ՍՍՌՄ կենտգործկոմի նախագահությունը բավարարում է այդ խնդրանքը։

Պետական կենտրոնական արխիվը գործունեության շրջանակները լայնացնելու և ֆոնդը հարստացնելու նպատակով սկսում է այնտեղ կենտրոնացնել նաև այն բոլոր արխիվային նյութերը, որոնք վերաբերում էին Հայաստանին, բայց գտնվում էին երկրի սահմաններից դուրս՝ թե՛ պետական, թե՛ հասարակական զանազան հիմնարկներում, և թե՛ մասնավոր անհատների մոտ։

Սովետահայ կուլտուրայի անդրանիկ օջախներից էր նաև Հայկական ՍՍՌ Գիտության և Արվեստի ինստիտուտը, որը բացվեց 1925 թ. ապրիլին և պործում էր Լուսժողկոմատի Ակադեմիական խորհրդի ղեկավարության ներքո։ Գիտական-գեղարվեստական այդ օջախը կոչված էր աջակցելու ընդհանրական, մաթեմատիկական, տեխնիկական, պատմական, հասարակական և գիտա-աթևիստական խնդիրների դիտական ուսումնասիրությանը և նպաստելու ուսպուրլիկայի տնտեսական ու կուլտուրական շինարարությանը։ Ինստիտուտն առաջին հերթին ուսումնասիրում էր Հայաստանի ընդհանրական և կուլտուրական միջավայրը, ինչպես նաև շինարարության հետ կապված տեխնիկական և գիտա-հետազոտական խնդիրները։ Նա լուծում էր գիտության, տեխնիկայի և արվեստի վերաբերյալ գիտական վեճերն ու տարաձայնությունները, կատարում էր հրատարակություններ, կազմակերպում դասախոսություններ, արշավախմբեր, ցուցահանդեսներ, սահմանում և բաշխում էր մրցանակներ, կապ էր պահպանում սովետական մյուս ուսպուրլիկաների և արտասահմանի գիտական, գեղարվեստական հիմնարկությունների և ընկերությունների հետ։

Ինստիտուտն ուներ՝ 1. Ընդհանուր ժողով. 2. Խորհուրդ՝ իր նախագահով. 3. Բաժիններ իրենց քարտուղարություններով։

Ինստիտուտն ընտրում էր իսկական անդամներ, պատվավոր անդամներ և թղթակից անդամներ։ Իսկական և թղթակից անդամներն ընտրվում էին 3 տարով՝ վերընտրվելու իրավունքով։ Իսկական անդամների առաջին կազմը հաստատում էր Լուսժողկոմատը։ Պատվավոր անդամներ կարող էին ընտրվել պիտելիքների և արվեստագետների խորհրդի նախաձեռնությամբ։ Թղթակից անդամներ կարող էին ընտրվել համապատասխան բաժնի նախաձեռնությամբ՝ ուսպուրլիկայից

²⁰ «Խորհրդային Հայաստան 1920—1925 թթ.», էջ 303։

²¹ Հոկտեմբերյան ռեյոլուցիայի և սոցիալիստական շինարարության կենտրոնական պետական արխիվ, ֆ. 3316, ց. 18, գ. 647, թ. 43։

դուրս ապրող այն գիտնականներն ու գեղարվեստագետները, որոնք իրենց գործունեությամբ, գրվածքներով և թղթակցությամբ կարող էին օգտակար լինել ինստիտուտի նպատակների իրագործմանը: Ընտրությունը կատարում էր իսկական անդամների ընդհանուր ժողովը՝ հորհրդի առաջարկությամբ և ձայների պարզ մեծամասնությամբ: Ընտրության արդյունքները հաստատում էր Հումբոլդտյան:

Գիտության և արվեստի ինստիտուտի գերագույն մարմինը իսկական անդամների ընդհանուր ժողովն էր, որը հրավիրվում էր ամեն տարի ապրիլ և հոկտեմբեր ամիսներին: Ընդհանուր ժողովը մշակում և վավերացնում էր ինստիտուտի և նրա բաժինների գործունեության ծրագրերը, կատարում էր ընտրություններ, քննում և ընդունում ինստիտուտի բաժինների բյուջեն: Ինստիտուտի կենտրոնական գործադիր մարմինը 9—11 անդամներից բաղկացած հորհուրդն էր, որի անդամներից երեքը բաժինների գիտնական բարտուղարներն էին, իսկ մնացածներն ընտրվում էին ընդհանուր ժողովի կողմից՝ ձայների պարզ մեծամասնությամբ:

Ինստիտուտի նախագահությունը բաղկացած էր նախագահից, փոխնախագահից և բաժինների գիտնական քարտուղարներից: Նախագահը և փոխնախագահը ընտրվում էին հորհրդի կողմից՝ մեկ տարով: Այդ ընտրությունը հաստատում էր Ակադեմիական խորհուրդը, որը պարտավոր էր առնվազն տարին երկու անգամ հրավիրել բաժինների միացյալ դռնացի նիստեր:

Ինստիտուտն ուներ երեք բաժին՝ ընդհանրական-մաթեմատիկական, պատմական-հասարակական և գեղարվեստական՝ իրենց ենթաբաժիններով: Առնվազն ամիսը մեկ անգամ այդ բաժիններից յուրաքանչյուրն ունենում էր դռնփակ և բաց նիստեր, որտեղ տրվում էին տեղեկանքներ գիտական ու գեղարվեստական հարցերի վերաբերյալ: Ինստիտուտի յուրաքանչյուր իսկական անդամ տարեկան մի անգամ պարտավոր էր այդ նիստերին ներկայացնել իր ուսումնասիրությունը, ստեղծագործական աշխատանքը կամ գեկուցումը:

Հայկական ՍՍԻ Գիտության և արվեստի ինստիտուտի կանոնադրության համաձայն Հումբոլդտյան 1925 թ. հունվարի 30-ին հաստատում է ինստիտուտի իսկական անդամների հետևյալ կազմը.

ա) Բնապատմական-մաթեմատիկական բաժնի գծով՝ Գրիգոր Արեշյան, Վահան Արծրունի, Հովակիմ Բեյկլյան, Արդար Խահակյան, Ալեքսանդր Հակոբյան, Հակոբ Հովհաննիսյան, Ստեփան Ղամբարյան, Պապա Քալանթարյան, Համբարձում Քելեկ, Լևոն Ռոտինյան: բ) Պատմական-հասարակագիտական բաժնում՝ Մանուկ Արեղյան, Հայկ Ազատյան, Հրաչյա Աճառյան, Առաքել Բարախանյան (Լևո), Երվանդ Լալայան, Աշխարհկ Լուսու-Քալանթար, Յուլիա Խանզադյան, Առատուր Խաչատրյան, Արտաշես Կարինյան, Սեմեոն Հակոբյան, Աշոտ Հովհաննիսյան, Ստեփան Լիսիցյան, Հայկ Գյուլիքիսյան, Հակոբ Մանանդյան, Եղիշ Չարենց, Սենեքերիմ Տեր-Հակոբյան, Արսեն Տերտերյան և ուրիշներ: գ) Գեղարվեստական բաժնի գծով՝ Նիկողայոս Բունիաթյան, Արշակ Բուրջալյան, Դերենիկ Դեմիրճյան, Ալեքսանդր Թամանյան, Թորոս Թորամանյան, Միրալի Մանվելյան, Ռոմանոս Մելիքյան, Մարտիրոս Սարյան, Ալեքսանդր Սպենդիարյան, Լևոն Քալանթար:

1925 թ. ամռանը ինստիտուտը կազմակերպում է երկու դասախոսություն նվիրված լեզվաբանության հարցերին: Աշնանը տեղի է ունենում հանդիսավոր նիստ, որտեղ նշվում է Ե. Սունդուկյանի ծննդյան 100-ամյակը: 1925 թ. հոկտեմբերի 18-ին Ռուսաստանի Գիտությունների ակադեմիայի 200-ամյա հորելյանի առթիվ ինստիտուտում տեղի է ունենում հանդիսավոր նիստ: Ինստիտուտում դասախոսություններ են կարդացվում հայ նկարիչների, ժողովրդական երաժշտության և հայկական պարերի, ինչպես նաև թատերական արվեստի զարգացման, ուսումնական գրական լեզվի, Անիի ճարտարապետության և այլ հարցերի մասին:

Սովետական Հայաստանում 1920—1925 թթ. կուլտուրական շինարարության առաջնությունը կատարված առաջին քայլերը լայն հորիզոններ բացին աշխատավորների հոգևոր զարգացման համար: Եա լենինյան սրգային բաղադրականության ճշմարտացիության վառ ապացույցն էր: Կոմունիստական պարտիայի կողմից ժողովրդական լայն մասսաների կուլտուրական վերելքը կազմակերպելու աշխատանքը վերականգնման ժամանակաշրջանում անհրաժեշտ նախապայմաններ ստեղծեց սոցիալիստական շինարարության տարիներին ծավալված կուլտուրական սեռայնության համար:

ПЕРВЫЕ ОЧАГИ СОВЕТСКОЙ АРМЯНСКОЙ КУЛЬТУРЫ

В. О. КАЗАНДЖЯН

(Р е з ю м е)

Установление советской власти в Армении коренным образом изменило политические, экономические и культурные условия жизни армянского народа.

Коммунистическая партия, начав работу по восстановлению народного хозяйства разоренной страны, наметила также обширную программу культурного строительства, к осуществлению которой она приступила с огромной энергией.

Победа советской власти в Армении и первые мероприятия партии и правительства по становлению новой армянской культуры нашли горячий отклик среди передовых представителей армянской интеллигенции, которые стали съезжаться в Ереван не только со всех концов нашей Родины, но и из зарубежных стран.

Вхождение Армянской ССР в Закавказскую федерацию, а затем в Союз Советских Социалистических Республик, создало огромную возможность теснее связать армянскую культуру с культурой братских народов нашей многонациональной Родины.

Как во всех звеньях социалистического строительства, так и в деле создания, упрочения и дальнейшего развития новой культуры неограниченную помощь оказывал накопленный опыт культурного строительства в РСФСР.

Среди многочисленных и больших задач, стоявших перед Коммунистической партией Армении на культурном фронте, была неотложная задача создания первых очагов советской армянской культуры.

В 1920—1925 гг. были основаны Ереванский государственный университет, Государственная консерватория, Госиздат, Государственный музей Армении, рабфаки, Институт науки и искусства Армянской ССР, Государственный драматический театр, музыкальная студия, публичная библиотека, «Матенадаран», «Ассоциация пролетарских писателей Армении», «Госфотокينو», «Товарищество армянских художников» и другие очаги советской армянской культуры и науки.

Несмотря на большие трудности, первоначальные успехи в области культуры создали необходимый фундамент для бурного ее развития на последующих этапах культурного строительства.